

ბიულეტენი №13

კვირის მიმოხილვა

1-7 ივლისის პერიოდში შემდეგი ტენდენციები გამოიკვეთა:

- კვირის მთავარი თემა კვლავ სამთაწყაროში მუსლიმთა ტრადიციული ლოცვა იყო, რაც წინა პერიოდებთან შედარებით უკეთ გააშუქა მედიამ, თუმცა გარკვეულ უზუსტობებს და ქსენოფობიური გამოხატვის ტირაჟირებას (I არხი, მოამბე, რუსთავი 2, კურიერი) კვლავ ჰქონდა ადგილი. გამონაკლისი ამ თვალსიზრისით გაზეთი “ასავალ-დასავალი” იყო, რომელმაც სამთაწყაროს თემაზე პოლიტიკური სპეკულაციები განავითარა;
- სიძულვილის ენას ამერიკის და დასავლეთის, ასევე ნაციონალური მოძრაობის მიმართ ჰქონდა ადგილი;
- ცრურწმენების ტირაჟირებას, რომელიც საანგარიშო კვირაში განსაკუთრებით აქტუალური იყო, ერთი მხრივ, ჟურნალისტები (ჟურნალი “ქვაკუთხედი”, გაზეთი “ასავალ-დასავალი”) ახდენდნენ, მეორე მხრივ, რელიგიური მოტივით სხვადასხვა ფობიები ცალკეულ ქმედებებთან კავშირში იჩენდა თავს (პედაგოგის მიერ 666 გამო გამოცდის დატოვება, მართლმადიდებელ მოქალაქეთა კრებულის ხელმოწერები ალტერნატიული ID ბარათების მოთხოვნით);
- მნიშვნელოვანია, რომ ბეჭდურ მედიაში 17 მაისის მოვლენებთან კავშირში ეკლესიის შესახებ აკადემიური ანალიტიკური პუბლიკაცია გვხვდება (გაზეთი “24 საათი”);
- სექსუალური უმცირესობების თემა კვლავ 17 მაისის მოვლენებთან, ნატოს გენერალური მდივნის განცხადებებთან კავშირსა და ანტიდასავლური განწყობების კუთხით იყო აქტუალური (გაზეთები “ასავალ-დასავალი”, “ალია”).

01.07 –07.07.2013

მონიტორინგი

მუსლიმთა ლოცვა სამთაწყაროში



ბიულეტენის მომზადება შესაძლებელი გახდა ამერიკელი ხალხის გულუხვი დახმარების წყალობით, რომელიც აშშ-ის საერთაშორისო განვითარების სააგენტოს USAID მეშვეობით იქნა გაწეული. ბიულეტენის შინაარსზე პასუხისმგებელია MDF და ის შესაძლოა, არ ასახავდეს USAID-ის და აშშ-ის მთავრობის შეხედულებებს.

მთავარი თემები	
მუსლიმთა ლოცვა სამთაწყაროში	2
სიძულვილის ენა	5
რელიგია	6
ცრურწმენები	7
ეთნიკური უმცირესობები	8
სექსუალური უმცირესობები	9



მუსლიმთა ლოცვა სამთაწყაროში

რუსთავი 2, კურიერი, 5 ივლისი

კურიერმა აქცენტი გააკეთა იმაზე, რომ სამთაწყაროში ადგილობრივ მუსლიმთა ლოცვაზე არმისვლის მიზეზი მათ მიმართ განხორციელებული მუქარა იყო. მოყვანილია, როგორც საქართველოს მუსლიმთა მუფტის მოადგილის ადამ შანთაძის კომენტარი, ერთი კვირის წინ ხოჯასა და მისი ოჯახის წინააღმდეგ განხორციელებული მუქარის შესახებ, ასევე ბეგრანდში ჟურნალისტიც აღნიშნავს, რომ 200-მდე თანასოფელი სულიკო ხოზრევანიძეს სახლში შეუვარდა და მის მეუღლეს ფიზიკური შეურაცხყოფა მიაყენა. თავად ხოჯას შვილი, ემზარ ხოზრევანიძე სამლოცველოში მამის გამოუცხადებლობის მიზეზად თანასოფლელებისთვის მიცემულ პირობას ასახელებს. რეინტეგრაციის საკითხებში სახელმწიფო მინისტრი პაატა ზაქარეიშვილი კი პრობლემად თავად მლოცველთა მოტივაციის არარსებობას ასახელებს.

პაატა ზაქარეიშვილი, რეინტეგრაციის მინისტრი: *“პრობლემა მდგომარეობს იმაში, რამდენად მონდომებულია ადგილობრივი მრევლი რეგულარულად მიიღოს მონაწილეობა პარასკევის ლოცვებში... მე ჯერ კიდევ ვერ დავინახე ის რაოდენობა ადამიანების.”*

მხოლოდ კურიერის სიუჟეტშია ასახული ევანგელურ-ბაპტისტური ეკლესიის მთავარეპისკოპოსის მალხაზ სონდულაშვილის კომენტარი, რომელიც თანადგომის ნიშნად მუსლიმთა ლოცვაში მონაწილეობდა, რაც პოზიტიურად შეიძლება ჩაითვალოს, თუმცა სიუჟეტის ბოლოს მოყვანილი ერთ-ერთი სამთაწყაროს მკვიდრის სინქრონი მეჩეთის მშენებლობაზე სრულიად უადგილოა, რადგან აღნიშნული საკითხი არც განიხილება და მხოლოდ კერძო საკუთრებაში სამლოცველოს ფუნქციონირებაა სადავო.

სიუჟეტი მოიცავს აშშ-ს საელჩოს პოლიტიკური მრჩევლის ბენჟამინ რინაკერის კომენტარს, თუ რაოდენ მნიშვნელოვანია ამერიკის შეერთებული შტატებისა და საელჩოსთვის ყველა აღმსარებლობის ადამიანის გამოხატვის თავისუფლების უზრუნველყოფა.

http://www.myvideo.ge/?video_id=2088720

მაესტრო, ახალი ამბები 9, 5 ივლისი

მაესტრომ აქცენტი გააკეთა იმ გარემოებაზე, რომ 5 ივლისს ადგილობრივი მუსლიმები ინცინდენტის თავიდან აცილების მიზნით სალოცავად არ მისულან და ლოცვა სოფელში ჩასულმა მუსლიმ-

ებმა აღავლინეს. სიუჟეტში მოყვანილია რეინტეგრაციის საკითხებში სახელმწიფო მინისტრის პაატა ზაქარეიშვილის კომენტარი, რომელიც ჩასულ მლოცველთა გარკვეულ კვოტებზე საუბრობს, რაც თავისთავად ბუნდოვანი ცნებაა.

პაატა ზაქარეიშვილი: *„4-5 კაცზე მეტი აუცილებელი არ უნდა იყოს ჩამოსული, რათა შედგეს აუცილებლად ლოცვა. აქ არაფერი სიწმინდეები არ არის, რომ აუცილებლად მრევლმა იაროს რეგულარულად... პლუს ამას, რა თქმა უნდა, გვაინტერესებს, რამდენი ადამიანი გამოვა ადგილობრივი, რომელიც დაესწრება ამ ლოცვას.“*

სიუჟეტში მოყვანილია ის მიზეზები, რის გამოც ლოცვას თავად სოფლის ხოჯა და ადგილობრივი მუსლიმები არ დასწრებიან (ერთი კვირის წინანდელი ინცდენტი, როცა სულიკო ხოზრევანიძის ოჯახის მიმართ მუქარას და ადგილობრივთა თავდასხმას ჰქონდა ადგილი). ასევე ასახულია დედოფლისწყაროს გამგებლის ირაკლი შიოლაშვილის პოზიცია, რომელიც მოსახლეობის უმრავლესობის ინტერესებზე აპელირებს, რაც თავისთავად დისკრიმინაციული მიდგომაა. ასევე მოყვანილია მისი სიტყვები, რომ სოფელში მხოლოდ 4 მუსლიმი ოჯახია და მათ საკუთარ სახლებში ლოცვას არავინ უშლის. წარმოდგენილია ასევე სოფლის ყოფილი რწმუნებულის მეუღლის ციური ტაკიძის ბრალდება დედოფლისწყაროს გამგებლის მიმართ, რომ მისი მეუღლის სამსახურიდან დათხოვნა რელიგიური ნიშნით მოხდა და გამგებლის საპასუხო პოზიცია.

პრემიერ-მინისტრ ბიძინა ივანიშვილის მიმართვა სამთაწყაროს მოსახლეობისადმი, დაიცვან კანონი და უმცირესობებს ლოცვის აღსრულების შესაძლებლობა მისცენ, რომელიც მან 3 ივლისის პრესკონფერენციაზე გააკეთა, მხოლოდ მაესტროს სიუჟეტშია მოყვანილი ბეგრანდში.

ბიძინა ივანიშვილი, პრემიერ-მინისტრი: *“ჩვენი კონსტიტუციით, ყველა რელიგიურ უმცირესობას აქვს უფლება, რომ მათ ჩაატარონ პროცესი და აღასრულონ ლოცვა, როგორც მათ სურთ. მე მინდა დავარწმუნო საზოგადოება და პირველ რიგში, მე მივმართავ, დედოფლისწყაროს რეგიონის, სამთაწყაროს მოსახლეობას, რომ კეთილი ინებონ და დაიცვან კანონიერება. ჩვენ ვცდილობთ იქ მოლაპარაკების გზით, ეს არის საუკეთესო საშუალება, რომ დავარწმუნოთ ორივე მხარე, რომ მშვიდობიანად მისცენ საშუალებ-*

ბიულეტენი №13

მუსლიმთა ლოცვა სამთაწყაროში

ბა მათ, უმცირესობას, ადასრულონ თავისი რელიგიური მრწამსი და თუ ეს არ მოხერხდება, მოლაპარაკების გზით, ჩვენ გამოვიყენებთ კანონს, მთელი სიმკაცრით.“

http://www.myvideo.ge/?video_id=2088175

იმედი, ქრონიკა, 5 ივლისი

იმედი აქცენტს აკეთებს იმ გარემოებაზე, რომ პარასკევის ლოცვამ სამთაწყაროში ინციდენტების გარეშე ჩაიარა და ადილზე ხელისუფლების, დიპლომატიური კორპუსის წარმომადგენლები და უფლებადამცველები იმყოფებოდნენ.



სოფელი სამთაწყარო, 5 ივლისი

აღნიშნულია ასევე ისიც, რომ ადგილობრივი მუსლიმები ლოცვას სავარაუდოდ შიშის გამო არ დაეწრნენ, ხოჯას ოჯახმა სამლოცველოში გამართულ რელიგიურ რიტუალში სოფლისთვის მიცემული პირობის გამო არ მიიღო მონაწილეობა, ხოლო წინა კვირას მათ ორასამდე თანასოფელი დაემუქრა.

სიუჟეტში სინქრონის გარეშე, ჟურნალისტის პერიფრაზით არის გადმოცემული დედოფლისწყაროს გამგებლის ირაკლი შიოლაშვილის შეფასება, რომ სოფელში რელიგიური თემით სპეკულაცია გახშირდა, ხოლო სპეკულაციის შესახებ ამ შეფასების შემდეგ

არის მოცემული სოფლის ყოფილი რწმუნებულის მეუღლის ციური ტაკიძის ბრალდება ირაკლი შიოლაშვილის მიმართ, რომ მისი მეუღლის სამსახურიდან დათხოვნას სწორედ რელიგიური მოტივით მოხდა, რაც გარკვეულწილად ქმნის აღქმას, რომ ეს ბრალდებაც სპეკულაციურია.

http://www.myvideo.ge/?video_id=2087819

საზოგადოებრივი მაუწყებელი, მოამბე, 5 ივლისი

მოამბის სიუჟეტში პარასკევის ლოცვის ირგვლივ 5 ივლისს განვითარებული მოვლენები ზუსტად არის გადმოცემული, თუმცა ერთ-ერთი რესპონდენტის სინქრონთან შეუსაბამოა თავად ჟურნალისტის განზოგადება, რომელსაც იგი მთელი სოფლის მოსახლეობის პოზიციად ასახელებს. კერძოდ, იმის საილუსტრაციოდ, რომ სოფლის მოსახლეობა პოზიციას არ იცვლის, მოყვანილია ერთ-ერთი სამთაწყაროელის სინქრონი, რომელიც რეალურად კომპრომისზე საუბრობს და ამდენად არარელევანტურია თავად ჟურნალისტის შეფასებასთან.

სამთაწყაროს მკვიდრი, უტიტროდ: „წინ ვერ აღუდგები, მაგრამ ყოველივე მხარეს, რომელიც ჯობია, ყოველთვის მოლაპარაკება და ყოველთვის დაიხიოს ყოველივე ძალამ უკან, გენაცვალე, და რაც სოფელს ესაჭიროვება, ისე გავაკეთოთ ყოველივე.“

http://www.myvideo.ge/?video_id=2088101

რუსთავი 2, P. S. 7 ივლისი

პოსტსკრიპტუმის სიუჟეტში აქცენტი სამართლებრივი რეაგირების აუცილებლობაზე კეთდება და იმ წინააღმდეგობებზე, რაც ადგილობრივი ხელისუფლების წარმომადგენელთა შეფასებებში იჩენს თავს. მაგალითად, ჟურნალისტს ის ფაქტი მოჰყავს, რომ ერთი კვირის წინ ხოჯას ოჯახზე განხორციელებული თავდასხმის გამო სისხლის სამართლის საქმე მუქარისა და რელიგიურ საქმიანობაში ხელისშემლის გამო აღძრულია, დედოფლისწყაროს გამგებელი ირაკლი შიოლაშვილი კი აცხადებს, რომ სოფელში რელიგიურ ნიადაგზე დაპირისპირებას ადგილი არ აქვს. მეორე წინააღმდეგობრივი მაგალითია გამგებლის განცხადება რეალურად მრევლის მოტივაციის არარსებობის შესახებ:

გაგრძელება გვ. 4

მუსლიმთა ლოცვა სამთაწყაროში

ირაკლი შიოლაშვილი, დედოფლისწყაროს გამგებელი: „ხელმოწერების ადეკვატური მრევლი რომ არ არის, დღეს დავრწმუნდით და ყველა პირობა იყო შექმნილი იმისთვის, რომ ეს მრევლი ყოფილიყო. თუ ვინმეს სურვილი ჰქონდა, მოზრძანებულიყო და ელოცა.“

საპასუხოდ ხოჯას შვილი ედენერი ხოზრევანიძე აცხადებს, რომ ისინი დაცულები მხოლოდ ცენტრალური ხელისუფლებისა და ჩამოსული სტუმრების ყოფნის პერიოდში იქნებოდნენ და არა მათი წასვლის შემდეგ და სწორედ ამის გამო არ გავიდნენ ლოცვაზე. მისივე ინფორმაციით, ადრე სხვა კერძო ბინაში სალოცავად ტრადიციულად 20-მდე ადამიანი იკრიბებოდა და არა ოთხი, როგორც ამას გამგებელი აცხადებს.

სიუჟეტში ასევე განმარტებულია სამლოცველოს გახსნის წინასიტორია: რომ მისი გახსნა, სწორედ ადგილობრივ მუსლიმთა მოთხოვნის საფუძველზე მოხდა და ის, რომ კერძო სახლს მეჩეთთან არაფერი აქვს საერთო.

მოყვანილია როგორც ევანგელურ-ბაპტისტური ეკლესიის მთავარეპისკოპოსის მალხაზ სონდულაშვილის სიტყვები, რომ ქრისტიანის ვალია იყოს იქ, სადაც ქვეყნის მოქალაქეებს მათი მრწამსის მიხედვით ლოცვის უფლებას არ აძლევენ და სახალხო დამცველის კომენტარი არასათანადო სამართლებრივი რეაგირების პრობლემაზე.

უჩა ნანუაშვილი, სახალხო დამცველი: “ის, რომ არავინ და არავის არ უგია პასუხი აქამდე ამ დარღვევებისთვის, შესაბამისად, ეს უკვე სტიმულს ახდენს, რომ მომავალში კვლავ გაგრძელდეს დარღვევა, კვლავ არ შედგეს ლოცვა და ეს არის ძალიან მნიშვნელოვანი. ანუ ჩვენი რეკომენდაცია, რომელიც ცოტა ხნის წინ გავუგზავნეთ შინაგან საქმეთა სამინისტროს, მდგომარეობს იმაში, რომ აუცილებელია კონკრეტული პირის დასჯა იმისთვის, რომ მომავალში აღარ განმეორდეს მსგავსი დანაშაული.“

მთლიანობაში სიუჟეტი პოზიტიურია, თუმცა ბოლოს მოყვანილია ერთ-ერთი ადგილობრივის ქსენოფობიური სიტყვები, რომლის ციტირების აუცილებლობაც არ არსებობდა.

სამთაწყაროს მკვიდრი (უტიტროდ): “ჩემს შვილიშვილს არ ეტყვიან - შენი დედა, შენი თათარიო [როცა გაიგებენ, რომ სამთაწყაროდან არის]? ამას ვერიდებით ყველა და არ გვინდა.“
http://www.myvideo.ge/?video_id=2089113

რუსთავი 2, იმედი, კავკასია, 3 ივლისი

კურიერის და ქრონიკის სიუჟეტები პრემიერ-მინისტრის პრესკონფერენციის შესახებ ასახავს არა მხოლოდ სამთაწყაროს მოსახლეობისადმი ზიძინა ივანიშვილის მიმართვას, დაიცვან კანონი, არამედ მის შეფასებას, რომ სოფელში განვითარებული მოვლენები წინა ხელისუფლების პოლიტიკას უკავშირდება და გარკვეულად ხელოვნურად ინსპირირებულია.

ზიძინა ივანიშვილი, პრემიერ-მინისტრი: „ეს არის 9 წლიანი მმართველობის გადმონაშთი, ხელოვნურად ინსპირირებული ძალიან ხშირად... [რუსთავი 2] ის, რომ ხერხდებოდა ხელოვნურად ამ ამბის მიჩქმალვა და მიჯირყვნა თავის დროზე, ამან თავი წამოჰყო დღეს.“ [რუსთავი 2, იმედი].

ტელეკომპანია კავკასიის მთავარ საინფორმაციო გამოშვებაში სამთაწყაროელებისადმი პრემიერიერის მოწოდების ის ნაწილი გავიდა, სადაც იგი აღმსარებლობის თავისუფლების კონსტიტუციურ განატიებზე საუბრობს და კანონმორჩილებისკენ მოუწოდებს ყველას.

http://www.myvideo.ge/?video_id=2085995
http://www.myvideo.ge/?video_id=2114903
http://www.myvideo.ge/?video_id=2114911

ასავალ-დასავალი, 1-7 ივლისი

“პოლიტიკურ ლეშად ქცეული სააკაშვილი საქართველოს მართლაცდა მაოხრებელი გზირი რომ არის, იქიდანაც კარგად ჩანს, როგორ აშკარად იმატა ჩვენს ქვეყანაში 1 ოქტომბრის შემდეგ რელიგიურ ნიადაგზე დაპირისპირებამ. ამ დივერსიებს კი სწორედ სააკაშვილი და მისი ბანდა გვიწყობს!” [სათაური]

გიორგი გიგაური, ჟურნალისტი: “...არ უნდა ამ ხალხს მათი ქრისტიანული სოფლების მინი-მექად და მინი-მედინად გადაქცევა და რა არის ამაში გასაკვირი?! თუმცა, ამ შემთხვევაში, ძაღლის თავი მუსლიმანურ რიტუალებში კი არა, სააკაშვილისა და მისი ბანდის ანტისახელმწიფოებრივად მომართულ გოგრებშია ჩამარხული!.. არადა, ეს პროვოკაციული მისვლა-მოსვლა მას შემდეგ დაიწყო, რაც სააკაშვილის რეჟიმი 1 ოქტომბრის არჩევნებში კატასტროფულად დამარცხდა და „ვარდოვანებმა“ საქართველოს ახალი მთავრობის დისკრედიტაციისა და ქვეყნის დესტაბილიზაციის ავადმყოფური გეგმების მოფიქრება დაიწყეს! დიახ, წინწყაროში,

გაგრძელება გვ. 12

სიძულვილის ენა

ასავალ-დასავალი, 1-7 ივლისი

პოეტ რეზო ამაშუკელის მხრიდან არა მხოლოდ სიძულვილის ენას აქვს ადგილი, არამედ მცდარ ვარაუდებზე, არასწორ ფაქტებსა და განზოგადებებზე დაყრდნობით, ანტიამერიკული და ანტიდასავლური განწყობების გავლივებს.



რეზო ამაშუკელი, პოეტი: “პირდაპირ და ხმამაღლა ვაცხადებ: მე მძულს ამერიკა! ისე მძულს, რომ შეიძლება, ჯაზსაც აღარ მოვუსმინო და აღარ დავუკრა!... მაგრამ ამ ნაცებმა და მათმა მფარველებმა შემადულეს ამერიკა! დიახ, მე მძულს ამერიკა და მე დღეს ვარ ამერიკის დაუძინებელი მოწინააღმდეგე. ამ მანქურთებმა დათესეს ჩემში ეს სიძულვილი... შეიძლება, რომ ეს ინტერვიუ ჩემთვის საბედისწერო აღმოჩნდეს. დარწმუნებული ვარ, გურამ შარაძე ამერიკელების გარეშე არ მოუკლავთ და არც ჩემი გაგორება გაუჭირდებათ, მაგრამ ფეხებზე მკიდია!

... კი ბატონო, შევიდეთ ნატოში, მაგრამ რატომ გინდა შენ, ამერიკა ხარ თუ დასავლეთი, დამამახინჯო, სული დამისახირო და მერე გამხადო შენი ბინძური ცხოვრების ნაწილი?.. პირდაპირ ვაცხადებ, ამერიკელებმა მოუარონ თავიანთ აქოთებულ ფსიქიკას და ჩვენთვის თითის ქნევას და ჭკულის სწავლებას დაანებონ თავი! დიახ, ამერიკელებმა ჯერ იმას მიაღწიონ, რომ ქვეყანაში ყოველ მეორე დღეს 20 და 25 კაცს არ ხოცავდნენ მანიაკები, სკოლის მოსწავლეები კლასებში ბომბს არ აგდებდნენ და თანატოლებს არ კლავდნენ, შვილი მამას ყელს არ ჭრიდეს და მერე გველაპარაკონ. რატომ ხდება ასეთი რამეები ამერიკაში? იმიტომ, რომ ფსიქიკა აქვთ გადაგვარებული და გარყვნილი.

ამერიკელებს უნდათ, რომ გარყვანან და გადაავარონ ქართველობა. ამიტომაც მოიყვანეს რუსების ხელშეწყობით სააკაშვილი და მისი მანქურთები, რომლებიც პირდაპირ აცხადებდნენ, ერი უნდა გადავაკეთოთ და ახალი ჯიშის ქართველი უნდა გამოვიყვანოთ...

დიახ, ამათ უნდათ გადაგვაკეთონ ჩვენ? სულიერად და ხორციელად მახინჯმა ჰერმეფროდიტმა აკუკი მინაშვილმა უნდა გადამაკეთოს მე?”

დიახ, ამათ უნდათ გადაგვაკეთონ ჩვენ? სულიერად და ხორციელად მახინჯმა ჰერმეფროდიტმა აკუკი მინაშვილმა უნდა გადამაკეთოს მე?”

დიახ, ამათ უნდათ გადაგვაკეთონ ჩვენ? სულიერად და ხორციელად მახინჯმა ჰერმეფროდიტმა აკუკი მინაშვილმა უნდა გადამაკეთოს მე?”

მამა ელიზბარ დიაკონიძე: “ამათთვის ერთადერთი ზედგამოჭრილი სასჯელი ის იქნება, რომ ციხეში დალპნენ!”

დიმა ჯაიანი, მსახიობი: „ნაციონალურ მოძრაობას“ ლინჩით გასამართლება მოუწევს.“

<http://www.asavali.ge/archive/asdas/2013/976/976.pdf>



კვირის პალიტრა, 1-7 ივლისი

ჯანსუღ ჩარკვიანი, პოეტი: “ახლა კი ვფიქრობ, ვინც მთავარი დამნაშავეა, პრეზიდენტი და მისი დამქაშები, ისინი კი არ უნდა დაიჭირო, იგივე ამბავი უნდა გაუკეთო, რა წამებაც იმ ფირებზეა ასახული. ეს იქნება ყველაზე კარგი, რომ ნახვენ როგორია... არ უნდა იყო მორცხვი, რომ გაგირჭონ ცოცხი”...

<http://www.kvirispalitra.ge/public/17686-jansugh-charkviani-gar-unda>

[-iyomorckhvi-rom-gagirtcon-cockhi-prezidents-da-mis-damqashebs-igive-unda-gauketho-rac-im-kadrebzeaq.html](http://www.kvirispalitra.ge/public/17686-jansugh-charkviani-gar-unda-iyomorckhvi-rom-gagirtcon-cockhi-prezidents-da-mis-damqashebs-igive-unda-gauketho-rac-im-kadrebzeaq.html)

რელიგია

ალია, 4 ივლისი

ინტერვიუ “ეროვნულ-რელიგიური ინსტიტუტის” ხელმძღვანელთან ზვიად ტომარაძესთან შეეხება აღნიშნული არასამთავრობო ორგანიზაციის საკანონმდებლო ინიციატივას, რომლის მიხედვითაც, რელიგიური გრძნობების საჯაროდ შეურაცხყოფის კრიმინალიზაცია დასჯადი ხდება. რესპონდენტი იხსენებს სამთაწყაროს ინცინდენტსაც და ამბობს, რომ მათი დასჯა, ვინც რელიგიური წესის აღსრულებას ხელს უშლის, სწორედ ამ კანონის დამტკიცების შემთხვევაში გახდება შესაძლებელი.

საზოგადოებრივი მაუწყებელი, მოამბე, 2 ივლისი

სიუჟეტი მართლმადიდებლური ეკლესიის, როგორც ყველაზე მაღალი ნდობის ინსტიტუტის თემას ეძღვნება და მასში ბიზნისის სტატიაც არის მოყვანილი, სადაც საუბარია ეკლესიის მიერ იოგას წინააღმდეგ გაკეთებულ განცხადებებზე, 17 მაისის მოვლენებსა და ID ბარათების წინააღმდეგ გამპანიაზე.

სიუჟეტი იწყება ჟურნალისტ მაგდა კალანდაძესთან ინტერვიუთი, რომელიც აცხადებს, რომ 17 მაისის მოვლენების შემდეგ მისი დამოკიდებულება ეკლესიის მიმართ ნეგატიურისკენ შეიცვალა. ჟურნალისტი ამერიკის რესპუბლიკური ინსტიტუტის (IRI) მიერ ჩატარებული ბოლო კვლევის შედეგების საფუძველზე აცხადებს, რომ საზოგადოების უმრავლესობა მაგდა კალანდაძისაგან განსხვავებით ფიქრობს და 93 პროცენტი ენდობა ეკლესიას. აღსანიშნავია, რომ ჟურნალისტი არ უთითებს კვლევის ჩატარების დროს, რაც არსებითია იმის გასარკვევად, მაგდა კალანდაძის მსგავსად, მოახდინა თუ არა ეკლესიისადმი მოქალაქეების დამოკიდებულებაზე გავლენა 17 მაისის მოვლენებმა. ბოლო კვლევა, რომელიც IRI-მ 17 მაისისა და 2 ივნისის პერიოდში ჩატარა, ორგანიზაციამ 6 აგვისტოს გამოაქვეყნა, ამდენად ჟურნალისტს არ შეიძლება სცოდნოდა, რამდენად აისახა 17 მაისის კონტრაქცია მოქალაქეთა განწყობებზე. მნიშვნელოვანია, ჟურნალისტებმა საზოგადოებრივი აზრის კვლევის შედეგების გაშუქებისას, აუცილებელი რეკვიზიტები, მათ შორის კვლევის ჩატარების დრო, მიუთითონ.

http://www.myvideo.ge/?video_id=2084993
<http://www.iri.org/news-events-press-center/news/iri-georgian-poll-shows-improvement-some-sectors-continued-concern-ove>

24 საათი, 3 ივლისი

გაზეთი აქვეყნებს თბილისის სახელმწიფო უნივერსიტეტის პროფესორების ვახტანგ ცაგარეიშვილის და თენგიზ კიკაჩიშვილის ანალიტიკურ სტა-

ტიას, რომელიც 17 მაისის მოვლენების კონტექსტში, ავტორთა შეფასებით, ქართული მართლმადიდებლური ეკლესიის კრიზისს ეძღვნება.

ავტორები ყურადღებას ამახვილებენ იმ გარემოებაზე, რომ ის რაც ქრისტიანობის სახელით ხდება, არავითარი კავშირი არა აქვს ქრისტიანულ ღირებულებებთან და მორწმუნეთა უმრავლესობას არც კი წაუკითხვას სახარება. პრობლემა კი, მათი აზრით, ეკლესიის მტრული განწყობაა ყოველგვარი კრიტიკული აზრის მიმართ.

ვახტანგ ცაგარეიშვილი, თენგიზ კიკაჩიშვილი: “როცა მორწმუნე ქვით და კეტით იცავს სარწმუნოებას და წმინდანებს, რას ნიშნავს ეს? ეს ნიშნავს, რომ ამ მორწმუნეებს არ სწამთ, რომ ღმერთი არსებობს.”

სტატიაში საუბარი ეხება ასევე ცრურწმენების თემასაც და მაგალითად მოყვანილია იუსტიციის მინისტრის, თეა წულუკიანის განცხადება ID ბარათებში სამი ნიშნის აღმოჩენის შესახებ.

<http://24saati.ge/index.php/category/opinion/2013-07-03/39169.html>

საზოგადოებრივი მაუწყებელი, მოამბე, 2 ივლისი

სიუჟეტი კოპტების საქართველოში მიგრაციას შეეხება და ეგვიპტელ არაბთა რელიგიურ კუთვნილებას იმიტომ აღნიშნავს, რომ მიგრაციის მიზეზი ადგილობრივ ქრისტიანებსა და მუსლიმებს შორის დაპირისპირებაა. ჟურნალისტი უთითებს, რომ საგარეო საქმეთა სამინისტრო, ისევე როგორც ეგვიპტეში საქართველოს საკონსულო კომენტარზე უარს აცხადებენ, ამიტომ მიგრაციის მსურველთა რაოდენობის შესახებ ინფორმაცია სიუჟეტში უცხოურ მედიაზე დაყრდნობითაა მოყვანილი.

http://www.myvideo.ge/?video_id=2084977

რელიგიური კონფესიების დაფინანსება

საერთაშორისო გამჭვირვალობა - საქართველოს მიერ რელიგიური კონფესიების დაფინანსების შესახებ ჩატარებული კვლევა საზოგადოებრივი მაუწყებლისა (4, 5 ივლისი) და იმედის მთავარ საინფორმაციო გამოშვებებში, ასევე გაზეთ “24 საათში” (5 ივლისი) გაშუქდა.

http://www.myvideo.ge/?video_id=2087534; http://www.myvideo.ge/?video_id=2088094; http://www.myvideo.ge/?video_id=2088092; http://www.myvideo.ge/?video_id=2087531

ბიულეტენი №13

ცრურწმენები

თბიქტივი, ღამის სტუდია, 2 ივლისი

გადაცემაში, რომელიც საპრეზიდენტო არჩევნებს ეხება, საარჩევნო მარკირების წესთან მიმართებაში მაყურებლის მხრიდან სატელეფონო ზარის მეშვეობით ცრუ რწმენების გავრცელებას და სახარების არასწორ ინტერპრეტაციას აქვს ადგილი, რასაც რეაგირების გარეშე ტოვებს გადაცემის წამყვანი.

მაყურებელი: „არავინ არ ითვალისწინებს, რომ ხალხი რელიგიურად არის განწყობილი, ძალიან... აი, მაგალითად, მარჯვენა ხელზე მარკირების წესი. ატყდა ერთი ამბავი, თქვეს, რომ ეს სახარებისეულად შეიძლება სატანის ნიშანი იყოს და ძალიან ბევრი ამომრჩეველი არ მიდის მარტო იმიტომ, რომ მარჯვენა ხელზე არ უნდათ დასხმა. და არ შეიტანეს ცვლილება იმაში, რა მნიშვნელობა აქვს, მარჯვენა ხელზე...“

ნინო რატიშვილი, წამყვანი: „ხო, მარცხენა ხელზე გააკეთონ, ხომ შეიძლება?“

მაყურებელი: „შერე, არ აკეთებენ, იცით, რა წერია იმ წესში? არცერთი თითი თუ არ აქვს მარჯვენა ხელზე, აი, მაშინ შეიძლება, თურმე მარცხენაზე დასხმა. ეს ცვლილება ხომ უნდა შევიდეს, არა?“

<http://obieqtivi.net/tv1.php?id=12675>

იმედი, ქრონიკა, 3 ივლისი

პრემიერ-მინისტრთან გამართულ პრესკონფერენციაზე ჟურნალ ქვაკუთხედის ჟურნალისტი შეკითხვას საკუთარი რელიგიური შეხედულებებიდან გამომდინარე სვამს. იგი ინტერესდება პირადობის დამადასტურებელი მოწმობების საკითხის გადაწყვეტით, რომელსაც რელიგიური ცრურწმენების გამო, მორწმუნეთა ნაწილი პრობლემურად მიიჩნევს.

ხათუნა სადინაშვილი, ჟურნალი „ქვაკუთხედი“: „მე ვარ ასი ათასობით მორწმუნე ადამიანის წარმომადგენელი. ჩათვალეთ, რომ მე აქ არ ვარ, როგორც მხოლოდ ჟურნალისტი. მე მინდა გკითხოთ, თქვენი ხელისუფლების პირობებში, გვექნება თუ არა ჩვენ კონკრეტული გადაწყვეტილება, ავადსახსენებელ ID ბარათებთან დაკავშირებით?“

http://www.myvideo.ge/?video_id=2085995




ხათუნა სადინაშვილი, ჟურნალი „ქვაკუთხედი“: „მე ვარ ასი ათასობით მორწმუნე ადამიანის წარმომადგენელი. ჩათვალეთ, რომ მე აქ არ ვარ, როგორც მხოლოდ ჟურნალისტი. მე მინდა გკითხოთ, თქვენი ხელისუფლების პირობებში, გვექნება თუ არა ჩვენ კონკრეტული გადაწყვეტილება, ავადსახსენებელ ID ბარათებთან დაკავშირებით?“

666-ის ანუ მხეცის ნიშნის თემა

საზოგადოებრივი მაუწყებელი, მოამბე, 5 ივლისი

საზოგადოებრივმა მაუწყებელმა სამი 6-ანის ანუ ე.წ. ”მხეცის ნიშნის” თემაზე ვრცელი სიუჟეტი მოამზადა, რომელშიც ორი შემთხვევა იყო გაერთიანებული: ქუთაისში პედაგოგის მიერ მასწავლებელთა გამოცდის პროტესტის ნიშნად დატოვება იმის გამო, რომ იგი მე-6 სექტორში, მე-6 ადგილზე მოხვდა და ანკეტაშიც მე-6 ნომრად უნდა მოეწერა ხელი. აღნიშნულმა პედაგოგმა, მისი შეფასებით, როგორც ეკლესიურმა



იუსტიციის სამინისტროს კლიპი ID ბარათებზე

ადამიანმა, 6-იანების თანხვედრა მხეცის ნიშნად მიიჩნია. “მოამბის” სიუჟეტში ასევე ასახულია მართლმადიდებელ მოქალაქეთა კრებულის მიერ შეგროვებული ხელმოწერების თემა, რომლითაც მთავრობისგან ალტერნატიული პირადობის მოწმობების მიღებას ითხოვენ. სიუჟეტში წარმოდგენილია როგორც მართლმადიდებელთა კრებულის პოზიცია, ასევე იუსტიციის სამინისტროს მიერ ამ თემაზე მომზადებული განმარტებითი კლიპი და სინოდის დადგენილება, სადაც პირადობის მოწმობაში მხეცის ნიშნის არსებობა უარყოფილია.

http://www.myvideo.ge/?video_id=2088164&rc=1

ცრურწმენები

მაესტრო, ახალი ამბები 9, 5 ივლისი

მართლმადიდებელ მოქალაქეთა კრებულის ხელმოწერების თემა მაესტრომაც გააშუქა. სიუჟეტში კრებულის წარმომადგენელი საპატრიარქოს პოზიციაზე არასწორად აპელირებს და აცხადებს, რომ ელექტრონული პირადობის მოწმობების შემოღების თემა სინოდისთვისაც მიუღებელია. საზოგადოებრივი მაუწყებლისგან განსხვავებით, მაესტროს სიუჟეტში არ არის მოყვანილი ეკლესიის ოფიციალური პოზიცია, რომელიც სინოდმა სპეციალურ დადგენილებაში გამოხატა და ID ბარათებში მხეცის ნიშნის არსებობა გამორიცხა, რითაც ჟურნალისტი ხელს უწყობს არასწორი ინფორმაციის ტირაჟირებას და ცრუ რწმენების კიდევ უფრო გაღრმავებას. ამასთანავე სიუჟეტში მოყვანილია ზაზა ნანობაშვილის (მართლმადიდებელ მოქალაქეთა კრებული) მიერ მიწოდებული ვიდეო-მასალა, რომელშიც იგი საფრანგეთის პირადობის მოწმობას აჩვენებს და აცხადებს, რომ ელექტრონული ID ბარათები საფრანგეთშიც მიუღებელია. ამ ვიდეო მასალის საფუძველზე ჟურნალისტი არასწორ განზოგადებას აკეთებს და აცხადებს, თითქოს ორგანიზაციის წარმომადგენელი “დოკუმენტურ მასალას ავრცელებს, სადაც ევროკავშირის ქვეყნებში პირადობის მოწმობების გაცემის წესია ასახული”. უნდა აღინიშნოს, რომ ევროკავშირის

ქვეყნებში ამ საკითხთან დაკავშირებით განსხვავებული მიდგომებია, ოღონდ არა ცრუ რწმენების, არამედ პირადი მონაცემების დაცვის მოტივაციით. სასურველი იქნებოდა, ჟურნალისტს ან თავად მოემიებია შესაბამისი მასალა ან გასაუბრებოდა კვალიფიციურ ექსპერტს აღნიშნულ თემაზე.

სიუჟეტში იუსტიციის სამინისტროს კლიპთან ერთად მოყვანილია პრემიერ-მინისტრის კომენტარი აღნიშნულ საკითხთან დაკავშირებით, რომელიც აცხადებს, რომ ის ცუდად ერკვევა ამ საქმეში. http://www.myvideo.ge/?video_id=2088184

24 საათი, 6 ივლისი

პედაგოგის მიერ, სამი ექსიანის გამო, გამოცდის დატოვების შემთხვევა, სააგენტო “ინტერპრესსნი-უსზე” დაყრდნობით, “24 საათმაც” გააშუქა. <http://24saati.ge/index.php/category/news/2013-07-06/39245>

ასავალ-დასავალი, 1-7 ივლისი

ჟურნალისტი გიორგი გიგაური ვრცელ სტატიას უთმობს ცრურწმენებს ამერიკულ ერთდოლარიანსა და სხვა სიმბოლიკაში მხეცის ნიშნის 666-ის, ასევე საბავშვო არხ Nickelodeon-ის ლოგოში - სატანისტური და ამერიკის პრეზიდენტების ქანდაკებებსა თუ ფოტოებში მასონური ნიშნების შესახებ. <http://www.asavali.ge/archive/asdas/2013/976/976.pdf>

ეთნიკური უმცირესობები

მაესტრო, ახალი ამბები 9, 7 ივლისი

პოზიტიურად შეიძლება ჩაითვალოს ის, რომ ტელეკომპანია მაესტროს საინფორმაციო გამოშვება დაინტერესდა ეთნიკური უმცირესობის სკოლებში სწავლებისა და სახელმძღვანელოების თარგმანით და ამ თემაზე სპეციალური სიუჟეტი მოამზადა. თუმცა, განათლების სამინისტროს პოზიცია სიუჟეტში არათანაზომიდან არის წარმოდგენილი და კონკრეტულ პრობლემებზე მხოლოდ მინისტრის მოადგილის მცირედი სინქრონია მოცემული. ამასთანავე ჟურნალისტი სარედაქციო ტექსტში აცხადებს, რომ ქართული ენის არცოდნის გამო სტუდენტები უმალლეს სასწავლებლებში ვერ აბარებენ. ამავე სიუჟეტში მოყვანილია თბილისის ივანე ჯავახიშვილის უნივერსიტეტის სტუდენტის კომენტარი, რომელიც აზერბაიჯანულენოვანი სკოლის კურსდამთავრებულია და აცხადებს, რომ მან ზოგადი უნარების გამოცდა აზერბაიჯანულ ენაზე ჩააბარა. მიუხედავად ამ შეუსაბამობისა, რომელიც ცხადყოფს, რომ ეთნიკური უმცირესობების წარმომადგენლებს უმალლეს-

სში მშობლიურ ენაზე გამოცდის ჩაბარების შესაძლებლობა აქვთ, თავად რედაქციის მხრიდან ამ თემატიკით დაინტერესება მნიშვნელოვანია, რადგან მეტწილად მედია ნაკლებად ასახავს უმცირესობათა სხვადასხვა ჯგუფების ინტერესებს გარდა იმ შემთხვევებისა, როცა ცალკეული ინციდენტები ნეგატიურ კონტექსტში იჩენს თავს.

http://www.myvideo.ge/?video_id=2088550

ობიექტივი, ღამის სტუდია, 4 ივლისი

მაყურებელი: “არც სომეხი მინდა და არც აზერბაიჯანელი, თუ ქართველი ცუდად იქნა, კაცო. არც ამერიკას ვუყურებ და არც რუსეთს, კაცო, მაგრამ... თუ დაახლოვებ და თუ ჩაკალი ყველანი, ეს ქართველები აღარ ვიქნით, პატრონი მოკვდომია ამ მიწასაც და იმ ჩინელებსაც და იმ არაბებსაც და ვინც შემოვა აქ...” <http://obiectivi.net/tv1.php?id=12710>

სექსუალური უმცირესობები

ობიექტივი. ღამის სტუდია, 3 ივლისი

ბონდო მინარაშვილი, წამყვანი: “შედის ირონია, ჰიტლერი ნარკომანებს, ჰომოსექსუალისტებს, სხვადასხვა კატეგორიის ადამიანებს სიკვდილითაც სჯიდა, ასახლებდა, საკონცენტრაციო ბანაკებში ათავსებდა და საბოლოო ჯამში იქამდე მივიდნენ, რომ XX საუკუნის ბოლოს XXI დასაწყისში ბერლინში, ბერლინის მერად ჰომოსექსუალისტი აირჩიეს იმ ქვეყანაში, იმ ქალაქში, სადაც ჰიტლერი იყო ამის... არა მხოლოდ მოწინააღმდეგე, კატეგორიულად ებრძოდა ამას.”

<http://obieqtivi.net/tv1.php?id=12693> (32წთ.)

ალია, 4 ივლისი

გელა ზედელაშვილი, ჟურნალისტი: “ჟურნალისტების დიდ ნაწილს არ მოსწონს შემოგდებულ-ლი თემა [ჟურნალისტ ნინია კაკაბაძის შეკითხვა პრემიერ-მინისტრს, 17 მაისის მოვლენებთან დაკავშირებით] და იწყება წამოძახილები, ხმაური... ნინია განაგრძობს: ქვეყანაში არიან რელიგიური და სექსუალური ექსტრემისტები! გურამ მამანიდი ბდღვიანავს, რა პედარასტები, რის ექსტრემისტებია?! ვატყობ, ნინიას და კიდევ რამდენიმე ქალს გადაუვლიან.”

I არხი, რუსთავი 2, იმედი, მე-9 არხი, 3 ივლისი

პრემიერის პრესკონფერენციაზე 17 მაისის მოვლენებთან დაკავშირებით ჟურნალისტ ნინია კაკაბაძის მიერ დასმულ შეკითხვაზე მისი კოლეგების რეაქცია ყველა არხმა გააშუქა. “მომზის” სიუჟეტში ნინია კაკაბაძის კომენტარია მოყვანილი, სადაც ის აღნიშნავს, რომ ეს ჟურნალისტები თავად წარმოადგენენ რელიგიურ ექსტრემისტებს, ხოლო “ქრონიკის” სიუჟეტის ავტორი სარედაქციო ტექსტში აცხადებს, რომ უმცირესობათა უფლებებზე დასმული შეკითხვის გამო, ავტორი კოლეგათა ნაწილმა “სოროსელად” მოიხსენია.

“მომზეს” ასევე მოჰყავს პრემიერ-მინისტრის ბრალდება ყოფილი ხელისუფლების მიმართ 17 მაისის მოვლენებთან კავშირში.

ბიძინა ივანიშვილი, პრემიერ-მინისტრი: „წინა ხელისუფლების ხელოვნურობა და ხელოვნურად დამყარებული წესრიგი გახლდათ შედეგი იმისაც, რაც 17 მაისს მოხდა.”

“კურიერის” და “ქრონიკის” სიუჟეტში კი მოყვანილია პრემიერის პასუხი ნეტგაზეთის შეკითხვაზე, რომელიც უმრავლესობის ლიდერის დავით საგანელიძის ჰომოფობიურ განცხადებებს შეეხება.

ბიძინა ივანიშვილი: „პირადად, შენიშნავ მივეცი საბჭოზე... და მან ეს გამოასწორა კიდევ თავის ერთ-ერთ გამოსვლაში.”

მაია მეცხვარიშვილი, ნეტგაზეთის ჟურნალისტი: “ჩვენ მისი ბოდიში არ მოგვისმენია“.

ბიძინა ივანიშვილი: “საბოდიშო არაფერი არ უთქვამს მას, მან დააზუსტა თავისი გამონათქვამი.”

http://www.myvideo.ge/?video_id=2086033; http://www.myvideo.ge/?video_id=2085995

http://www.myvideo.ge/?video_id=2114903; <http://www.tv9.ge/?l=G&m=1&sid=0&id=4194>

24 საათი, 5 ივლისი

17 მაისის მოვლენებზე გაკეთებულ ჰომოფობიურ განცხადებებთან დაკავშირებით, უმრავლესობის ლიდერმა დავით საგანელიძემ განმარტება გაზეთ “24 საათთან” გააკეთა.

დავით საგანელიძე, საპარლამენტო უმრავლესობის ლიდერი: “ადამიანებს, რა თქმა უნდა, უნდა და ჰქონდეთ საკუთარი აზრის დაფიქსირების უფლება, ადამიანს რაც უნდა ის უკეთებია, მაგრამ ადამიანი ნუ შემოდის ჩემი ცხოვრების წესში, ნუ ახდენს ზემოქმედებას ჩემს შვილებზე. ჩემ გარდა, ნურავინ მოახდენს ჩემს შვილებზე ზეგავლენას. მე საბოდიშოს ვერც ახლა ვხედავ, რა მაქვს საბოდიშო?”

<http://24saati.ge/index.php/category/news/2013-07-05/39223>

გაგრძელება გვ. 10

სექსუალური უმცირესობები

ასავალ-დასავალი, 1-7 ივლისი

რეზო ამამუკელი, პოეტი: “ამასწინათ ტელევიზიით გამოვიდა ერთი უფლება-დამცველი ქალბატონი [ლელა გაფრინდაშვილი], მექსიკურ მალს რომ ჰგავს და მთელ ერს გაუნათლებელი გვიწოდა, იმიტომ, რომ, თურმე, ლგბტ-ებს ვებრძვით! ერთი გამოზრდნდეს ეს ქალბატონი თავისი ნისკარტით და დამელაპარაკოს...”

კვირის ქრონიკა, 1-7 ივლისი

ლალი მოროშკინა, სასჯელადსრულებისა და პრობაციის სამინისტრო: “სხვათა შორის, 17 მაისი ხელზე რომ დაიხვიეს, ახლა ლაპარაკობენ არატრადიციული ორიენტაციის ადამიანები, ქუჩაში გამოსვლა ჩვენი იდეა არ იყო და არც გვინდოდაო. ჩვენ შედეგი ამ დღეებში ვნახეთ, როცა რასმუსენმა აქეთ დაგვადანაშაულა არადემოკრატიულობაში. ეს შედეგი იყო ბიძინა ივანიშვილისა და ახალი მთავრობის წინააღმდეგ მიმართული”.

ანტიდასავლური განწყობები

ანტიდასავლური განწყობები ძირითადად 17 მაისის მოვლებეთან დაკავშირებით ნატოს გენერალური მდივნის მიერ გაკეთებულ განცხადებას უკავშირდება, რომ დემოკრატიულ საზოგადოებაში მსგავსს ძალადობას ადგილი არ უნდა ჰქონდეს.

ასავალ-დასავალი, 1-7 ივლისი

დიმა ჯაიანი, მსახიობი: “ამათ უკანალის დაკრულზე უნდა იაროს ათასწლოვანი მართლმადიდებლური კულტურის ერმა?! ამათი უკანალია ჩვენი ბილეთი ნატოში?! არ მინდა, ძმაო! წყეულიმც ვიყო, თუ ამას შევეგუო და წინაპრების საფლავებში ჩავაფურთხო!.. ამ რასმუსენს თუ ასე ემშობლიურება ეს პედარასტები, მოკრიფოს და წაიყვანოს ავღანეთში საომრად - ვნახოთ, როგორ გამოადგება! ქართველი ბიჭები იმიტომ უნდა გავჟლიტოთ ავღანურ სასაკლაოზე, რომ აქ პედარასტებმა ალლუმი ჩაგვიტარონ?! აბა, ისრაელს გაუბედონ, აჯლიგინეთ თქვენთან პედარასტებიო! აბა, სომხეთს გაუბედონ მსგავსი რამ ან თურქეთს?”

<http://www.asavali.ge/archive/asdas/2013/976/976.pdf>

ალია, 4 ივლისი

ნინო სამხარაძე, ჟურნალისტი: “ნატო-ს გენერალურ მდივანს, ანდერს ფოგ რასმუსენსაც არ აწყენდა იოდის ყლაპვა... იგივე რასმუსენისთვის „ლგბტ“ პირების ნებით მიცემული უკანალის დაცვა უფრო მნიშვნელოვანი აღმოჩნდა, ვიდრე მოძალადე ხელისუფლების მსხვერპლთა არმია. 21-ე საუკუნეში ნატო-ს გენერალურ მდივანს ადამიანების წამების, გაუპატიურებისა და მკვლელობის ფაქტებს ულაგებდე, ის კი მთავარ ჯაყოს დემოკრატს ეძახდეს, გამოდის, ან კრეტინი ხარ, ან უბრაოდ მოსყიდული!”

ასავალ-დასავალი, 1-7 ივლისი

კახა კუკავა, თავისუფალი საქართველო: “თბილისში ჩამოსულმა რასმუსენმა საქართველოს და ქართველ ხალხს პირდაპირ შეურაცხყოფა მიაყენა, როცა

სექსუალური უმცირესობები

საკაშვილს „დემოკრატიის შუქურა“ უწოდა და ივანიშვილის ხელისუფლებას მთავარ რეკომენდაციად სექსუალური უმცირესობების უფლებების დაცვა მისცა!.. ამ შემთხვევაში, მარტივ რამესთან გვაქვს საქმე: ამერიკის იმპერია საქართველოში იცავს მხოლოდ საკუთარ ინტერესებს და ჩვენს ქვეყანაში ვინ სცემს, აწამებს და გააუპატიურეს, ეს ამერიკის ინტერესების სფეროში არ შედის!..

საქართველო ვერასოდეს გახდება ნატო-ს წევრი!”

<http://www.asavali.ge/archive/asdas/2013/976/976.pdf>

ასავალ-დასავალი, 1-7 ივლისი

გიორგი გიგაური, ჟურნალისტი: “როგორც ჩანს, ჯეიმს აპატურაის სახელმწიფოს წარმომადგენლებისგან კაცებისა და ბავშვების გაუპატიურება დიდი დანაშაული არ არის!.. ახლა მითხარით, ძვირფასო მკითხველებო, რა განსხვავებაა გაუპატიურებასა და გააპატურებას შორის?! დიახ, საკაშვილის რეჟიმის მიერ ხელფეხშეკრული ადამიანების გაუპატიურება გააპატურების ტოლფასია!”

<http://www.asavali.ge/archive/asdas/2013/976/976.pdf>

ასავალ-დასავალი, 1-7 ივლისი

რეზო ამაშუკელი, პოეტი: “17 მაისზე რომ ილაპარაკა პატივცემულმა რასმუსენმა, რატომ არ ილაპარაკა 26 მაისზე?.. ეს არ არის ძალადობა და 17 მაისს იყო ძალადობა? ამიტომაც ვამბობ, რომ ამათ უნდათ ქართველების გარყვნა და გადაგვარება... გაუკვირდათ და აღშფოთდნენ იმაზე, რომ ქართველობა შეეწინააღმდეგა პედარასტებისა და მათი დამცველების ალღუმს. თითი დაგვიჩინეს ამაზე და ეს იცით რას ნიშნავს? ეს არის პირდაპირი მოწოდება და დირექტივა, რომ ჩვენ უარი უნდა

ვთქვათ ქართველობაზე!”

<http://www.asavali.ge/archive/asdas/2013/976/976.pdf>

ასავალ-დასავალი, 1-7 ივლისი

მამა ელიზბარ დიაკონიძე: “დამისახელეთ ნატო-ს წევრი ქვეყნებიდან თუნდაც ერთი, რომელსაც დღედაღამ უკიჟინებენ, სექსუალური უმცირესობების უფლებების დაცვას ან სხვა სახის უმცირესობებზე, მაგალითად, რელიგიურ უმცირესობებზე თავზე გადაყოფას? არ არსებობს ნატოს წევრი არცერთი ქვეყანა, რომელსაც ამას გაუბედავენ, მარტო ჩვენ გვიქნენ თითს და ჭკუას გვასწავლიან.”

<http://www.asavali.ge/archive/asdas/2013/976/976.pdf>

ასავალ-დასავალი, 1-7 ივლისი

გია ბურჯანაძე, სახალხო ფრონტი: “ანდერს ფოგ რასმუსენმა საქართველოს უდიდესი შეურაცხყოფა მიაყენა!.. ნატოს გენერალურ მდივანს ერთი სიტყვითაც კი არ უხსენებია ამ კაციჭამიების ერთ აუწერელი კანიბალიზმი, სამაგიეროდ, გულმზურვალედ დაიცვა ლგბტ საზოგადოების უფლებები”.

<http://www.asavali.ge/archive/asdas/2013/976/976.pdf>

კვირის პალიტრა, 1-7 ივლისი

სოსო ცისკარიშვილი, ექსპერტი: “რასმუსენი, რომელიც ასე ღელავს 17 მაისის მოვლენებზე, კრინტს არ ძრავს 26 მაისის ამბებზე. ეს ყველაფერი საზოგადოებაში ნატოს მიმართ იმედგაცრუებას იწვევს. ამიტომ, მინდა დავარწმუნო ჩემი მკითხველი, რომ ნატო და რასმუსენი არ არის სინონიმები, თუმცა მისთვის საკაშვილი და საქართველო იდენტური ცნებებია.”

<http://www.kvirispalitra.ge/kviris-tema/17737-qrasmusenisthvis-saakashvili-da-saqarthveli-identuri-cnebebiaq.html>



დიმა ჯაიანი, მსახიობი: “ამათ უკანალის დაკრულზე უნდა იაროს ათასწლოვანი მართლმადიდებლური კულტურის ერმა?! ამათი უკანალია ჩვენი ბილინი ნატოში?! არ მინდა, ძმაო!.. ამ რასმუსენს თუ ასე ემშობლიურება ეს პედარასტები, მოკრიფოს და წაიყვანოს ავღანეთში საომრად - ვნახოთ, როგორ გამოადგება! ქართველი ბიჭები იმიტომ უნდა გაგვლიტოთ ავღანურ სასაკლაოზე, რომ აქ პედარასტებმა ალღუმი ჩაგვიტარონ?!”



აღ.ჭავჭავაძის №54,
მე-5 სად. მე-4 სართული.
ქ.თბილისი, საქართველო, 0179

ტელ/ფაქსი: (+99532) 2 22 00 16

ელ.ფოსტა: info@mdfgeorgia.ge
mdfgeo@gmail.com

WWW.MDFGEORGIA.GE



www.facebook.com/pages/მედიის-განვითარების-ფონდი-MDF-Media-Development-Foundation/275686875901735

სახალხო დამცველი სოფელ სამთაწყაროში მომხდარი ინციდენტების გამოძიებას მოითხოვს

საქართველოს სახალხო დამცველმა წინადადებით მიმართა საქართველოს შინაგან საქმეთა მინისტრს, დაიწყოს გამოძიება სოფელ სამთაწყაროში 2013 წლის 24 მაისს, 31 მაისს, 7 ივნისსა და 28 ივნისს მომხდარ ფაქტებთან დაკავშირებით და გაატაროს სათანადო ღონისძიებები სოფელ სამთაწყაროს მუსლიმი მოსახლეობის უფლებებისა და უსაფრთხოების დაცვის მიზნით.

<http://ombudsman.ge/index.php?page=1001&lang=0&id=1744>

მუსლიმთა ლოცვა სამთაწყაროში

დასაწყისი გვ. 2-4

ნიგეზიანსა თუ სამთაწყაროში მოსახლეობის რელიგიური დაპირისპირების დივერსიულ აქტებს სწორედ სააკაშვილი, ბოკერია და ამათი ბანდა გეგმავენ! შემთხვევითი არ არის, რომ ამ ინციდენტებისას აქ დაწანწალებენ „თავისუფლების ინსტიტუტის“ ისეთი ცნობილი ტურები, როგორებიც არიან რელიგიათმცოდნე ბექა მინდიაშვილი და მმანი მისნი!..

ეს ხომ სწორედ ის ბანდაა, რომელმაც საქართველოს ათასწლოვანი მართლმადიდებლური ეკლესია უფლებებით სხვადასხვა ჯურის სექტებთან გაათანაბრა!”

<http://www.asavali.ge/archive/asdas/2013/976/976.pdf>

24 საათი და რეზონანსი

5 ივლისს სამთაწყაროში გამართული ლოცვა გაზეთებმა 24 საათმა და რეზონანსმა გააშუქეს. რეზონანსმა ასევე გააშუქა სახალხო დამცველის მიმართვა შს სამინისტროსადმი; ინტერპრესნიუსის ინფორმაცია, სადაც სულიკო ხოზრევანიძე აცხადებს, რომ 28 ივნისის შემდეგ მუსლიმები არ შეუვიწროვებიათ.

<http://24saati.ge/index.php/category/news/2013-07-06/39243>

http://resonancedaily.com/index.php?id_rub=7&id_artc=16202

http://resonancedaily.com/index.php?id_rub=7&id_artc=16251

http://resonancedaily.com/index.php?id_rub=7&id_artc=16295

საზოგადოებრივი მაუწყებელი, აქცენტები, 2 ივლისი

წინო დანელია, მედია ექსპერტი: “როდესაც ჩავიდა სოფელში ბატონი ტარიელ ნაკაიძე, რომელიც არის მუსლიმთა გაერთიანების ხელმძღვანელი, პოლიციამ მას დაუძახა პროვოკატორი, მისივე მოსულ მანქანაში უკან ჩატენა ფაქტიურად, ფიზიკურად აიძულა, რომ მანქანაში ჩამჯდარიყო და უთხრა, რომ არ გაბედავ და ამ სოფელში არ შედგამ ფეხს... თქვენ წარმოვიდგენიათ, რომ აგვიკრძალოს ვინმემ გერგეთის სამებაში ჩასვლა და ლოცვა იმიტომ, რომ ვცხოვრობთ თბილისში?!”

http://www.myvideo.ge/?video_id=2084712

